

**Yolanda LÓPEZ LÓPEZ**

**O zoológico errante\***

*Á miña nai*

Coma unha formiga refulxente...  
e vas arrastrando os teus brazos durmintes  
ao carón da herba mutilada,  
rebelde serpe de pétalos escuros e azuis  
ondeando rochas crebadas que anhelan ferir os teus ollos  
na ledicia de vivir sorrisos melodiosos.  
O teu canto de vaca agarda pola miña boca seca  
repartindo verbas inusitadas no tacto da vida,  
lamelas de mapoulas retorcéndose no teu berro de raíña silandeira,  
que non precisas de coroas para furar no veleno demoníaco do mal.  
Érgueste como ti só sabes a forza de canón,  
embrión e bramido,  
útero de salamandra bramando versos rachados e nómades,  
estendendo as túas alas de bolboreta férrea...  
caleidoscopio de cores altisonantes  
atravesando selvas amazónicas,  
coa túa música lonxana recruando no vento,  
nena indíxena fuxindo da intemperie,  
regato morriñento agochado na trompa do elefante salvaxe,  
e así vas caendo nas ondas do mar alporizado,  
na espuma virxe do Atlántico profundo,  
coma unha gaivota sen plumas,  
coma un peixe en ardores,  
coma unha caracola a rentes do chan

---

\* Yolanda López López, *Moralla* (Santiago de Compostela: Ed. Follas Novas, Libros do loureiro, 2013).